

無上祕要卷之九十九



無上秘要卷之九十九

九

昇太清品

春分之日太微天帝君上詣

高上玉皇遊宴之時始景行道受仙白也至
其日如上法夜半東向叩齒九通仰思玄青

黃三色之雲向東北而迴便心念微言太微
天帝君乞迴神駕下降我身上我帝簡賜我
神仙畢還思東方青陽上府玄微宮中始景
老子道君姓羽諱  幽宛形長九寸
身着紫青之綬戴九色通天寶冠足躡九色

之履手執命神之章從太陽仙童三十六人
乘八景之輿青雲之車參駕蒼龍下治兆身
明堂宮中仍微祝曰

始景上元招靈致真承炁命節法典帝先迴
精玄蓋上宴玉晨迴靈下降鎮固我身保精

九八

一

鍊炁五臟潔鮮紫氣流映洞得御神參乘飛
景上宴瓊軒畢仰咽九炁此始景之道行之
八年則玄雲飛輪來迎兆身上昇太清
立夏之日太極上真三元真人上詣

紫微宮遊宴之時玄景行道受仙之日也至

其日清旦東南向叩齒九通仰思紫青黃三
色之雲西北而迴便心念微言太極上真三
元真人乞迴神駕下降我房書我玉名使我
神仙畢還思東南少陽上府太微宮中玄景
玉光无極道君姓王諱 白日光 无英形長
八寸八分身着丹錦之綬頭戴无極進賢玉
冠足躡九色之履手執招靈之章乘玄景綠
輿五色雲車叅駕鳳凰從靈飛仙童三十九
人下治兆身洞房宮中仍微祝曰
玄景上靈叅宴八炁造景九玄翱翔無外迴

真下降解我宿滯駕以青龍廕以紫蓋得乘
八景上昇霄際畢仰咽八炁止行此玄景之
道行之八年則紫素三色之雲玄景綠輿來
迎北身上昇太清

夏至之日扶桑公大帝君上詣

北八

太微宮遊宴之時虛景行道受仙之日至其
日如上法清旦南向叩齒八通仰思赤白青
三色之雲東南而迴便心念微言扶桑大帝
君乞迴神光下盼北身記名東華得乘飛煙
畢還南向思太陽上府紫微宮中虛景太尉

元先道君姓玄諱
𠄎𠄎𠄎伯史形長八
寸八分身着絳錦
舟綬頭戴平天耀
精玉冠足躡九色
之履手執制魔之
章乘光明八道之
輿赤雲炁之車參
駕鳳凰從丹靈上
宮玉童三十六人
下治兆身中元丹
田宮中仍微

祝曰

虛景啓雲乘炁旋
迴迅駕八道明光
吐威下降我房映
我丹輝攝魔御神
萬靈悉摧使我洞
幽與景齊飛畢仰
咽八炁止行此虛
景之道行之八年
則致光明八道之
輿來迎兆身

上昇太清

立秋之日太素上真白帝君上詣

玉天玄皇高真元景行道受仙之日至其日

清旦西南向叩齒十二通仰思白赤紫三色

之雲西南而迴孔八便心念微言太素真人乞迴

神光下降孔八兆身奏名玉天得為真人畢思西

南少陰上府靈微陽宮之中元景太一炎天

道君姓黃諱三運珠形長七寸八分

着玄黃素綬頭戴七寶進賢之冠足躡九色

之履手執命神之策乘蕭條玉輦五采朱蓋

紫雲之車參駕六龍從黃素上宮仙童二十
四人下治兆身下丹田宮中仍微祝曰

元景上真八道玄靈上治黃母下治兆形徘徊
神輦流映紫清歷運御氣三五煥明制神
攝魔我道洞精長保上景飛仙長生畢仰咽
玉輦來迎兆身上昇太清

七炁止行此元景之道行之八年則致蕭條
秋分之日南極上真赤帝君上詣

閭風臺詣九靈夫人遊宴之時明景行道受
仙之日至其日如上法清旦西向叩齒十二

通仰思青黃赤三色之雲西南而迴便心念
微言南極上真上皇赤帝君乞迴神光下降
北房賜書玉簡上奏九靈得乘飛景昇入無
形畢思正西太陰上府精微允宮中明景太
和道君姓浩諱



仁義形長六寸八

分身着白紋素靈之綬頭戴无極寶天之冠
足躡九色之履手執度命保生玉章乘絳琳
碧輦白靈之車參駕白虎從素玄玉童二十
二人下治兆身華盖宮中仍微祝曰

明景道宗總統九天匡絡紫霄迅御八煙迴

停玉輦下降我身啓以光明授以金真豁落
招靈身无稽延得乘飛景上宴霄晨畢仰咽
七炁止行此明景之道行之八年則致絳琳
碧輿來迎兆身上昇太清

立冬之日上清真人帝君皇祖上詣

孔八

四

高上九天玉帝遊宴之時洞景行道受仙之
日也至其日清旦西北向叩齒九通仰思綠
紫青三色之雲西南迴便心念微言上清真
人帝君皇祖乞迴神駕下降兆房賜書玉名
上奏上清得乘飛景昇入無形畢思西北陰

暉上府清微宮中洞景司錄太陽道君姓玄
諱昌元輔形長五寸八分身著玄黃
之綬頭戴九玄飛晨玉冠足躡五色之履手
執攝殺之律乘玄景八光丹輦紫雲之車參
駕玄武從太玄仙童二十四人下治兆身倉
命宮中仍微祝曰

洞景帝尊玄靈陰神乘霞御龍得參飛煙上
遊玉清下治太玄迴降紫輦來入我身得乘
八景位同真人畢仰咽五炁止行此洞景之
道行之八年則致玄景八光丹輦下迎兆身

上昇太清

冬至之日太霄玉妃太虛上真人上詣

太皇宮太微天帝君遊宴之時清景行道受
仙之日也至其日清旦正北向叩齒十二通
仰思朱碧黃三色之雲東北而迴便心念微

孔八

五

言太霄玉妃太虛真人乞迴神駕下降我房
賜建玉名奏上太霄得為真人遊宴上宮畢
思北方陰精上府道微宮中諫議玄和道君
姓王諱聖剛陰精形長五寸八分身着
玄雲五色之綬頭戴玄晨寶冠足躡五色師

子之履手執招靈之策乘徘徊玉輦錦雲之
炁珠玉之車參駕玄鳳黑翮從太玄上宮仙
童三十六人下治兆身玄谷宮中仍微祝曰
清景素真元始同靈受化九元含炁朱嬰徘
徊玉輦昇入紫清輪轉八節經度天經削我
元錄保我南生得乘飛景案轡綠輶畢仰咽
五炁止行此清景之道八年致徘徊玉輦下
迎兆身上昇太清

右出洞真金真玉光八景飛經

梵寶天魂精祕音內諱玉佩通陽之符則梵

寶天通陽之炁主陰極宮中真內神黃書白
素佩身又書白紙本命八節日服之內思三
年審定剋見真神九天玄母授此九天上書
八鍊芝英得自然之道白日飛空上昇太清

洞真招靈致真攝魔符

白帝招靈致真攝魔之符以黃書白木版上
令廣九寸長一尺二寸置室西面修行誦經
入室百日與神人共言三年室生自然白霞
之雲欲致真人天仙當書如法着符中央精
思百日真人降形仙人詣房授子神真之道

北欲攝魔當書符如上法安着東面誦太空
之章一遍則北帝操兵天魔喪形萬精滅景
內外肅清只黃書白繒九寸佩身八年帝降
玄景綠輿下迎北身上昇太清

黑帝招靈致真攝魔之符以白書黑木版上

北八

六

令廣九寸長一尺二寸置室北面修行誦經
入室百日與神人共言三年室生自然黑霞
之雲北欲致真人天仙當書如上法着符西
面精思百日真人降形仙人詣房授于神真
之道北欲攝魔當書符如上法安着南面誦

太空之章一遍則北帝操兵天魔喪形萬精
滅景內外肅清又白書黑繒九寸佩身八年
帝遣光明八道之輿下迎北身上昇太清

右出洞真九真陽符經

全書祕字三元九真陽符梵寶天魂精祕音
內諱玉佩通陽之符則梵寶天通陽之炁主
陰極宮中真內神黃書白素佩身又書白紙
本命八節日服之內思陰極宮中真三年審
定剋見真神九天玄母授北九天上書八鍊
芝英得自然之道白日飛空上昇太清

右出洞真玉佩金鐺太極金書上經

大百六度厄寶命長存符

朱書白絹佩之頭上洪災暴厄所不能傷保
身長命壽同三光佩之九年白日飛仙上昇
太清

小百六度厄寶命長存符

孔八

七

黃書白絹佩之左肘千妖萬精疫癘橫流災
所不傷保身長命壽同天地佩之九年白日
飛昇太清

陰陽度厄寶命長存符

黑書白絹佩之與天地同年與日月同光九年飛行上昇太清

右出洞真青要紫書經

苴藤五分 威喜三分 蜀椒二分 乾薑一分
菖蒲一分

凡五物皆取真新好者清潔治之以王相日
童男擣勿易也各異治下細細篋五物各萬
杵五物各異置赤杯中凡五杯羅列赤案上
露一宿明日平旦乃以神斗分合和如法和
以白蜜若白飴復更擣三萬杵丸如梧子平

旦向日長跪吞三丸訖言長得所願暮日入
復跪西向復吞三丸如旦法以為常禁食生
魚猪肉葷菜禁見喪尸猪犬產汗慎之甲子
建癸亥數終日辰為期慎勿廢忘六十一節
天地之常服之如法甲癸為期甲子建日服
至癸日為一節若甲子無建者滿定開亦佳
服藥皆先齋三日燒香存神然後即事也滿
六十日身輕能行復六十日四支通利復六
十日顏色有光復六十日平調腹腸五藏皆
實凶邪不傷復六十日身體堅彊復六十日

耳目聰明此是一歲驗也復六十日骨髓彊
梁復六十日手爪有光復六十日影響顯章
復六十日精炁益長復六十日白髮還藏復
六十日牙齒堅剛此是二歲之驗也復六十
日道德達通復六十日六甲神從復六十日
神達身中復六十日志信神行復六十日心
開目明復六十日遠知四方此是三歲驗也
復六十日占視有光復六十日五神不亡復
六十日不知饑渴復六十日百神來謁復六
十日五藏不竭復六十日能寒能熱此是四

歲驗也復六十日能浮能沉復六十日能淺
能深復六十日能圓能方復六十日能弱能
彊復六十日能縱能橫復六十日能短能長
此爲五歲驗也復六十日能好能醜復六十
日能大能小復六十日能輕能重復六十日
出入無間復六十日行廚在邊位爲仙人此
是六歲驗也長服不休與天相傾變形千化
上昇太清

右出洞元五符經

高聖玉帝道君曰欲書白簡玄紀之名身登

玉清上宮之法當以正月一日上合之時沐浴清齋平旦入室燒香北向九拜朝禮玉天畢北向平坐叩齒九通思齋室之內有青炁之雲虛生翳鬱周帀一室存五老仙伯在青雲之中披飛青羽帔冠通天玉冠手執青文孔八之錄司領仙玉郎著雲錦之袍冠七寶玉冠手執白銀之簡思見二真爲我記名於白簡之上結錄於青文之編以我簡錄付監真使者定錄左仙上刺九天帝王七聖机下簡錄定名五老仙伯領仙玉郎化入我身明堂之

中便呪曰

上合之日天元肅清高上顯蓋玉帝臨庭九
真命虛七聖齊靈上標玄記白簡之名勒注
元錄落死刻生西龜結編保仙華青上受雲
帶煥落五形給我羽服降我綠軒得乘飛霄
上登紫瓊三景合光七元同明永保二儀天
地長并畢又七拜禮七聖咽七炁止此高聖
結緣刺簡六合之法行之七年先無玄名者
亦得勒注於玄紀三元下降四極啓靈自然
洞達得飛行太清也

太玄都四極明科曰九真中經太上太微天帝君所修八道九真結璘鬱儀上奔日月之道以傳中央黃老君祕於太上六合宮中舊科七千年聽得三傳若有青書東華玉字上清藏生紫絡之人七百年內聽得三傳盟曰絹九十尺青絲一斤絳紋二十四尺此日暉之誓碧繒二十四尺月華之誓金鑲三雙無常童子之誓對齋九日二十四日北向盟傳給玉童玉女各十七人修此道七年乘龍飛行上昇太清其法尤重二犯伐功斷事四犯

左右官所考七祖已身罰以刀山食火地獄
三苦之役萬劫還生不人之道玄都左宮女
青律文要者明慎奉行

右出洞真玉帝七聖元紀經
無上祕要卷之九十九

孔八

十



